



TEZAUUR LITURGIC

19 IUNIE

ACATISTUL SF. IERARH IOAN MAXIMOVICI, ARHIEPISCOPUL SAN FRANCISCO



MOSCOVA, 2000



Ака́фист

святителю Ио́анну, архиепи́скопу Шанха́йскому и Сан-Францис́скому, чудотво́рцу

Конда́к 1, глас 8

Подобен: Взбра́нной Воево́де:

Изра́нный чудотво́рче и изря́дный уго́дниче
Христо́в, все́му ми́ру исто́чаяй оби́льные струи́
духовна́го наста́вления и дивных чудес
мно́жество, восхваля́ем тя с любо́вию и зове́м ти:

Ра́дуйся, святителю́ о́тче Ио́анне, в беда́х ско́рый
помощниче.

И́кос 1

А́нгела о́бразом яви́ тебе́ в послéдняя времена́
всея́ тва́ри Создатель, да с мило́стию Бо́жиею
печёшися о лю́дех земных. Взира́юще же на
добродéтели твоя́, пребла́женне Ио́анне, вопи́ем
ти си́це:

Ра́дуйся, с ра́ннего дeтства благочéстием
украшeнный;

ра́дуйся, со стра́хом и трéпетом во́лю Бо́жию
испо́лнивый.

Ра́дуйся, яви́вый благода́ть Бо́жию в та́йных
благода́еяниях;

ра́дуйся, бы́строе далéче су́щих стра́ждущих
услы́шание.

Ра́дуйся, любвеобильное поспешéние бли́жним
своим во спасéние;

ра́дуйся, ра́дование всем с véрою к тебе́
припада́ющим.

Ра́дуйся, святителю́ о́тче Иоáнне, в беда́х ско́рый
помощниче.

Конда́к 2

Ви́дяще обильное добродéтелей твои́х излия́ние,
святителю́ сла́вный Иоáнне, просвещáемся
ду́хом, я́ко бо живонóсный исто́чник чудес
Бо́жиих, напо́еши нас, véрно вопию́щих к
Бо́гу: Аллилу́ия.

И́кос 2

Ра́зум имéяй преиспо́лненный любве́, кúпно и
богосло́вия, богомúдре Иоáнне, и богопозна́нием
умудре́нный, и к стра́ждущим лю́дем любóвию

украше́нный, познава́ти и́стиннаго Бо́га нас
научи́, да и мы во умиле́нии вопие́м ти:

Ра́дуйся, непоколеби́мая тверды́не и́стины
Правосла́вия;

ра́дуйся, драгоценный сосу́де Ду́ха Свята́го.

Ра́дуйся, честный обли́чителю неве́рия и
лжеуче́ния;

ра́дуйся, ре́вностный исполните́лю за́поведей
Бо́жиих.

Ра́дуйся, подви́жнице, не да́й на ло́жи себе́
отдохнове́ния;

ра́дуйся, возлю́бленный па́стырю ста́да
Христо́ва.

Ра́дуйся, святите́лю о́тче Иоа́нне, в беда́х ско́рый
помощни́че.

Конда́к 3

Си́лою благода́ти Бо́жия благи́й сиропита́тель и
наста́вник юно́шам яви́лся еси́, воспита́я в
стра́се Бо́жием и приу́готовля́я их к служе́нию
Бо́гови. Сего́ ра́ди ча́да твоя́ взира́ют на тя и,
благодаря́ще, вопи́ют Бо́гу: Аллилу́ия.

И́кос 3

Име́яше вои́стину, о́тче Ио́анне, с небе́с тебе́
песнь воспева́ема бы́ти, а не от земли́: ка́ко бо
кто от челове́к возмо́гл бы твои́х дел вели́чие
пропове́дати? Мы же, принося́ще Бо́гу, я́же
има́мы, вопие́м ти си́це:

Ра́дуйся, непреста́нною моли́твою покрыва́яй
ча́да твоя́;

ра́дуйся, охраните́лю ста́да твоего́ крестным
зна́мением.

Ра́дуйся, любве́ вели́кия вме́стилище, не взира́яй
на язы́ков разли́чие;

ра́дуйся, свети́льниче все́светлый и вселюбимый.

Ра́дуйся, о́бразе моли́твы непреста́нныя и
милосе́рдия;

ра́дуйся, утеше́ний духо́вных пода́телю
тре́бующим.

Ра́дуйся, святите́лю о́тче Ио́анне, в беда́х ско́рый
помощниче.

Конда́к 4

Бу́рею напа́стей одолева́еми: ка́ко досто́йно
возмо́жем восхва́лити чуде́са твоя́, блаже́нне

Иоа́нне? Я́ко проше́л еси́ до ко́нѣц вселѣ́нныя, спасѣ́ния ра́ди па́ствы твоея́ и благовество́ванія Ева́нгелія су́щим во тьме. Благодаря́ще же Бо́га за апо́стольскія труды́ твоя́, воспева́ем Ему́: Аллилу́ия.

И́кос 4

Слы́шаша бли́жнии и да́льнии вели́чие чудѣ́с твои́х, Бо́жиею ми́лостию да́же до на́шего вре́мене явля́емых, те́мже, в тебе́ Бо́гу прославля́ющемуся дивя́щеся, в стра́се вопия́ху:

Ра́дуйся, просвети́телю су́щих во тьме неве́рия;

ра́дуйся, приве́дй люде́й твои́х с восто́ка да́льняго до за́пада.

Ра́дуйся, исто́чнице чудѣ́с, излива́емых Бо́гом;

ра́дуйся, с любóвию вразумля́й заблúждших.

Ра́дуйся, ско́рый утѣшителю ка́ющихся о гресѣ́х свои́х;

ра́дуйся, путевождю́ грядúщих путѣ́м пра́вым.

Ра́дуйся, святителю́ о́тче Иоа́нне, в беда́х ско́рый помо́щниче.

Кондак 5

Богодарованный свет явился еси, бури всех лютых разгоняяй, сущих на острове от вихрей смертоносных молитвами твоими охраняяй, святителю Иоанне, и крестным знамением ограждаяй. Научи и нас, призывающих тя в помощь, чудотворче святыи, к Богу с дерзновением взывати: Аллилуия.

Икос 5

Видим многую помощь твою в напастех и обстояниях, преблаженне отче Иоанне, дерзновенный бо ходатай пред Престолом Божиим и скорый в бедах помощник еси. Того ради и мы на твое предстательство пред Богом уповаем и вопием ти:

Радуйся, стихий опасных прогонителю;

радуйся, молитвою твоєю от нужд избавляяй.

Радуйся, алчущим хлеба присный подателю;

радуйся, приуготовляяй просящим изобилие.

Радуйся, утешителю в скорбех сущих;

радуйся, многих падших от погібели исхитивый.

Ра́дуйся, святи́телю о́тче Иоа́нне, в беда́х ско́рый
помощни́че.

Конда́к 6

Про́пове́дуя спасе́ние, я́ко но́вый Моисе́й
гугни́вый, яви́лся еси́, изво́дя лю́ди тво́я из
плéна безбо́жных, пре́блаже́нне Иоа́нне. Изба́ви
и нас от рабо́ты грехо́вныя и враго́в невиди́мых,
да, ра́дующеся, вопи́ем к Бо́гу: Аллилу́ия.

И́кос 6

Воссия́в пра́ведностию тво́ею, соверши́л еси́
неисполнимо́е, о до́брый па́стырю: преклони́л бо
еси́ вла́сти мирски́я сострада́ти о лю́дех твои́х.
Того́ ра́ди с ними́ купно́ и мы благода́рственно
вопи́ем ти:

Ра́дуйся, па́стырю до́брый, па́стве тво́ей,
пресе́льником, ти́хое приста́нище угото́вавый;
ра́дуйся, о де́тех и боля́щих наипа́че попече́ние
име́вый.

Ра́дуйся, усе́рдно тя призыва́ющим ве́рно
помога́яй;

ра́дуйся, я́ко в немо́щнем телеси́ тво́ем си́ла
Бо́жия незави́стно соверша́шеся.

Ра́дуйся, отрази́телю нападе́ния нечести́вых;

ра́дуйся, помрачíteлю лжи и проявíteлю истины.

Ра́дуйся, святíteлю о́тче Иоа́нне, в беда́х ско́рый помо́щниче.

Конда́к 7

Хо́тя досто́йно просла́вити дрéвних святы́х за́пада, отпа́дшаго от и́стины, возо́станови́л еси́ почита́ние их в Це́ркви Правосла́вной, о любíteлю святы́х восто́ка и за́пада. Днесь с ни́ми на небеси́ моли́ о нас, пою́щих на земли́: Аллилу́ия.

И́кос 7

Но́ваго ви́дим тя избра́нника Бо́жия, и́же вку́пе со святíteли дрéвния Га́ллии яви́лся еси́ в последняя́ времена́, я́ко еди́н от сих, вдохновля́я па́ству твою́ соблюда́ти правосла́вную ве́ру, я́коже си́и на за́паде испове́даху. Сохрани́ и нас в ве́ре сей пребыва́ти, вопию́щих ти:

Ра́дуйся, но́вый Марти́не в воздержáнии, по́двизех и чудесе́х твои́х;

ра́дуйся, но́вый Ге́рмане во испове́дании твоём правосла́вныя ве́ры.

Ра́дуйся, но́вый Ила́рие в боже́ственном
богосло́вии;

ра́дуйся, но́вый Григо́рие в почита́нии и
прославлéнии уго́дников Бо́жиих.

Ра́дуйся, но́вый Фа́всте ино́ческим усéрдием;

ра́дуйся, но́вый Кеса́рие в твёрдой любви́ ко
прави́лом Це́ркве Бо́жия.

Ра́дуйся, святи́телю о́тче Иоа́нне, в беда́х ско́рый
помощни́че.

Конда́к 8

Стра́нное видéние предста́ ти: в земли́ но́вей
срétил еси́ па́ству твою́ бы́вшую, смуща́ему
скорбьми́ мно́гими, но я́ко дивный па́стырь
наста́вил еси́ ю́ поучéнием, терпе́нием и
пра́ведностию твоёю, и це́рковь Бо́жия Ма́тере,
я́же всех скорбя́щих Ра́дость есть, воздвигл еси́:
мы же, удивля́ющесея терпе́нию и смире́нию
твоему́, благода́рно вопи́ем к Бо́гу: Аллилу́ия.

И́кос 8

Всего́ себе́ преда́в Христу́, был еси́ де́латель
виногра́да Его́, богоно́сне о́тче, не ве́дал бо еси́
поко́я до конца́ многострада́льнаго живота́
твоего́. Помози́ и нам, недосто́йным, в де́ланиих

наших и в нашем прилежании в верности Христу, да, славяще, вопием ти:

Радуйся, претерпевый до конца и достигший спасения;

радуйся, пред иконою Богоматере умерети сподобивыйся.

Радуйся, посреде гонения неправеднаго мужественный правды хранителю;

радуйся, совершивый служение свое до конца и кончину приемый седя, яко иерарх.

Радуйся, по смерти утешивый паству чудесным своим возвращением;

радуйся, многих чудес подателю к раце твоей с верою и любовию притекающим.

Радуйся, святителю отче Иоанне, в бедах скорый помощниче.

Кондак 9

Все естество ангельское восхождением твоея души в небесныя обители возрадовася, мы же, удивляющеся твоим чудесем на земли, действием Святаго Духа являемым, воспеваем Богу: Аллилуия.

И́кос 9

Витии многовещаннии не возмо́гут изобрази́ти по досто́янию свя́тости жити́я твоего́, о пра́ведне о́тче Ио́анне, поне́же дом благода́ти неизрече́ннаго Бо́га был еси́, мы же не мо́жем умолча́ти, чудеси́, явле́ну нашему́ малове́рному ве́ку, дивя́щися, и прославля́ем тя си́це:

Ра́дуйся, божество́нных наставле́ний пала́то;

ра́дуйся, смире́нным де́ланием а́нгелы сослужите́ли себе́ сотвори́вый.

Ра́дуйся, обретьи́й ве́чное и нерукотво́рное жили́ще на небесе́х;

ра́дуйся, враче́бнице, в не́йже всяк недуг от Бо́га врачу́ется.

Ра́дуйся, моли́твеннаго по́двига храни́лище;

ра́дуйся, освяще́нный хра́ме Ду́ха Свята́го.

Ра́дуйся, святите́лю о́тче Ио́анне, в беда́х ско́рый помо́щниче.

Конда́к 10

Спасти́ хотя́ мир, и́же всех Спаси́тель, но́ваго свята́го посла́ нам и чрез него́ из те́мных глубин грехо́вных воззва́ ны. Слы́шаще же его́, нас

призыва́ющая, мы, недосто́йнии, взыва́ем к Бо́гу: Аллилу́ия.

И́кос 10

Стена́ еси́ всем прибега́ющим к твоему́ небесному́ заступле́нию, о́тче Иоáнне, те́мже и нас от де́монских нападе́ний огражда́й, в беда́х и ну́ждах, стужа́ющих нам на земли́, помога́й, да с ве́рою тебе́ взыва́ем:

Ра́дуйся, ослепших прозрѣние;

ра́дуйся, си́лою моли́твы жизнь на сме́ртном одре́ су́щим подава́яй.

Ра́дуйся, богооткровѣнное вразумле́ние в смяте́нии и сомне́ниях су́щим;

ра́дуйся, спаси́тельная вла́го, ороша́ющая в зно́йной печа́ли погиба́ющих.

Ра́дуйся, си́рым и оста́вленным оте́ческое заступле́ние;

ра́дуйся, святы́й учи́телю и́щущих и́стины.

Ра́дуйся, святите́лю о́тче Иоáнне, в беда́х ско́рый помо́щниче.

Кондак 11

Пѣние непрестанное ко Пресвятей Троице,
преблаженне отче Иоанне, мыслию, словом и
добродѣланием принѣсл еси: многим разумѣнием
истинныя вѣры Божия повелѣния уяснил еси,
вѣрою, надеждою и любовью наставляя нас в
Троице Единому Богу воспевати: Аллилуия.

Икос 11

Светодательна светильника Православия сущим
во мраце неведения зрим тя, стада Христова
добрый пастырю. Тако и по успении твоём
являеши истину не ведущим ея, просвещая
души верных, вопиющих ти таковая:

Радуйся, просвещение мудростию Божиею
сущих в неверии;

радуйся, радуго тихия радости кратких.

Радуйся, громе, устрашай во гресе
упорствующих;

радуйся, молние, ереси пожигающая.

Радуйся, одождѣние догматов Православия;

радуйся, орошѣние богомыслия.

Ра́дуйся, святи́телю о́тче Иоа́нне, в беда́х ско́рый
помощни́че.

Конда́к 12

Благода́ть, да́нную ти от Бо́га, ве́дуще сию́ с
благоговéнием и благода́рностию приéмлем, к
заступлéнию твоeму́ чу́дному притека́юще, о
всехва́льне о́тче Иоа́нне, твоя́ же чудеса́
прославля́юще, взыва́ем к Бо́гу: Аллилу́ия.

И́кос 12

Пою́ще хвалу́ Бо́гу, небéсный сонм святи́х
ра́дуется, я́ко не оста́ви Господь па́дший и
безве́рный мир, но яви́л е́сть всемо́гущую си́лу
Свою́ на тебе́, кро́тком и смире́нном служи́тели,
о блаже́нне о́тче Иоа́нне, и мы, со все́ми
святи́ми ра́дующеся, чтим тя си́це:

Ра́дуйся, но́вая звездо́ пра́ведности, на небеси́
возсия́вшая;

ра́дуйся, но́вый проро́че, по́сланный пред
конéчным воцаре́нием зла.

Ра́дуйся, я́коже Ио́на о возме́днии за грехи́
предрекий;

ра́дуйся, я́коже Крестите́ль всех к моли́тве и
покая́нию призыва́вый.

Ра́дуйся, я́коже Па́вел мно́го терпе́вый ра́ди
Евангелия и пропове́дания ве́ры;

ра́дуйся, апо́столе но́вый, свои́ми чуде́сы
вселя́яй в нас благоговейный трéпет и ве́ру.

Ра́дуйся, святи́телю о́тче Иоáнне, в беда́х ско́рый
помощниче.

Конда́к 13

О, пресвѣтлый и предивный уго́днице Бо́жий,
святи́телю о́тче наш Иоáнне, утеше́ние всем, в
ско́рбех су́щим, ны́нешнее наше моли́твенное
приими́ приноше́ние, да моли́твами твои́ми от
ге́енны о́гненныя изба́вимся и богоприятным
твои́м хода́тайством сподо́бимся во ве́ки
воспева́ти: Аллилу́ия.

Сей конда́к глаго́лется три́жды.

И па́ки чте́тся 1–й и́кос и 1–й конда́к

Моли́тва 1

О, святи́телю о́тче наш Иоáнне, па́стырю до́брый
и тайновидче душ челове́ческих! Ны́не у
Престо́ла Бо́жия за нас мо́лишия, я́коже и сам
посме́ртне изре́кл еси́: «А́ще и умро́х, но жив
есмы́». Умоли́ всеще́драго Бо́га прощ́ение нам во
гресе́х дарова́ти, да бо́дренно восприя́ем, и Бо́гу

возопи́ем о дарова́нии нам ду́ха смире́ния, стра́ха Бо́жия и благоче́стия во вся́ческих путе́х жи́зни на́шей, я́ко ми́лостивый сиропита́тель и иску́сный наста́вник на землѣ́ быв, ны́не бу́ди нам путево́дитель и в смúтах церко́вных Христо́во вразумле́ние. Услы́ши стена́ние смяте́нных ю́ношей на́шего лихолéтия, обу́реваемых бесно́вaniem вселука́вым, и при́зри на уны́ние изнемога́ющих па́стырей от утесне́ния тлетво́рнаго ду́ха ми́ра сего́ и томя́щихся в нераде́нии пра́здном и ускори́ на моли́тву, слéзно вопи́ем ти, о те́плый моли́твенниче; посети́ нас си́рых, по все́му лицу́ вселéнныя разсе́янных и во оте́чествии су́щих, во тьме страсте́й блужда́ющих, но сла́бою любóвию ко свéту Христо́ву влеку́щихся и ждущих твоего́ оте́ческаго наста́вления, да благоче́стию навы́кнем и насле́дницы Ца́рствия Небе́снаго яв́имся, иде́же ты пребы́ваеши со все́ми святы́ми, сла́вяще Го́спода на́шего Иису́са Христа́, Ему́же честь и держа́ва, ны́не и при́сно и во ве́ки веко́в. Ами́нь.

Моли́тва 2

О, святи́телю чу́дне Иоáнне, толи́ко распро́стрил еси́ се́рдце свое́, я́ко нетéсно вмеща́ется в нем мно́жество почита́ющих тя челове́к от разли́чных пле́мен и наро́дов! При́зри

на убожество словес наших, обаче от любви тебе приносимое, и помози нам, угодниче Божий, поне отныне очищати себе от всякия скверны плоти и духа, работающе Господеви со страхом и радуящися Ему с трепетом. И что воздамы тебе за радость оную, юже ощутихом, зряще в храме святем мощи твоя святыя и прославляюще память твою; воистину, не имамы, чим воздати, точию аще начнем себе исправляти, бывающе нови вместо ветхих. Сея благодати обновления буди нам ходатай, святе Иоанне, помози нам в немощех, исцели болезни, уврачуй страсти молитвами твоими; преставленный же от сего временнаго во иное житие вечное, в неже настави тя Пречистая Владычица, Одигитрия разсеяния русскаго, чудотворною Своею иконою Коренною–Курскою, Еяже спутник ты явился еси в день преставления своего, радуешися ныне в лице святых, славящих Единого в Троице славимаго Бога, Отца и Сына и Святаго Духа, ныне и присно и во веки веков. Аминь.



**ПОЛНЬІЙ
АКАФИСТНИК
КАНОНИЧЕСКІЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

НОВОЕ
* НЕБО